

Problema na Linear Parki soluciona:

Minister Oduber ta controla avance di trabou tur dia



ORANJESTAD (AAN): Door di e tardansa cu a surgi riba e proyecto di Linear Park, e mandatario encarga Otmar Oduber a tuma medida estricto pa mira cu e trabou ta sigui manera cu e kier. Esaki ta encera cu tur dia e mesun mandatario ta bay na pia di trabou na e proyecto di Linear Park pa mira con a e avance ta. Di otro banda e ta contento cu tur cos cu a keda denter di e presupuesto poni inicialmente pa e proyecto aki, a pesar di a confronta su problemanan. Loke cu tabata falta den e proyecto ta e parti dilanti di Surfside Marina. Sinembargo a combersa cu Sr. Richard Eman, di Surfside Marina, y hunto cu DOW a logra yega na un solución den 24 ora di tempo. El a manda palabra di gradicimento na sr. Eman pa esaki. Minister Oduber a splica cu tabatin

aspecto cu DOW no a tene cuenta cune y e propietario di Surfside tabata na punto di bay Corte ora cu el a pone e partidonan na mesa pa yega na un solución. Esaki ta nifica cu e trabounan por sigui y lo traha un parkinglot completo di Surfside Marina. Unabes cu esaki ta cla, mester revisa solamente loke mester wordo drecha prome cu e proyecto wordo entrega pa fin di aña y e kioskonan cuminsa bira operacional. E parke ya caba ta wordo uza door di hopi hende cu ta cana sea mainta tempran of den oranan di atardi pa anochi. Prome cu e parke ta cla, según e mandatario, nan a wordo acerca door di diferente organización of club cu ta pidi pa uzo di e parke pa nan actividadnan. E mandatario a mustra di ta



sumamente contento cu ya caba e parke a haa e éxito cu nan a spera cu nan lo a haya na momento cu a planea esaki. Pues ta un parti so a keda pega pa cual ya caba a yega na un solución p'e y ta trahando full swing riba dje awó. "E ta laat Berdad, un 10 pa 11 luna laat, pero danki Dios denter di e margen di e presupuesto cu a wordo poni

pa e proyecto aki, cual ta mita di e prijs cu inicialmente nan a pone". E coriente cu tambe tabata un obstáculo a keda cla, cual ta nifica cu pa fin di aña e proyecto ta cla y completamente ilumina. E parke ta bira e ehempel e parti di recreación cu mester tuma lugar. E di dos fase lo cuminsa na inicio di otro aña, for di Cas di Cultura te cu

Brandweer. E parti pariba ta menos dolor di cabe pasobra e ta menos inversión, pega riba hekkí di aeropuerto, no tin plaza y tanto kiosko. Pero e aspecto di utilidad nan no por bisa con esaki lo ta. Na mesun momento e mandatario a menciona cu e parti patras, banda di HAVANA Beach su embeyecimento lo wordo financia door di FDA.